



## Publicaziuns dalla vischnaunca, jamna 23

### Damonda da baghegiar

#### 2022-1030.000

##### Datum dalla publicaziun: 10 da zercladur 2022

Il patrun: Arno Schlüter, Markusstrasse 5, 8006 Zürich  
Il representant: Pally + Partner architectura sa, Survitg 100, 7184 Curaglia  
Object: Remplazzament dall'annexa existenta, construcziun nova, parcella 2173, Via Crestas 26, 7183 Mumpé Medel

#### Protestas:

Ilis plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 10 da zercladur 2022

Uffeci da baghegiar Disentis/Mustér

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

#### Nr. 2022-2044.000

Cuminonza en condomini, c/o Longina Jacomet-Gadola, Via Sontga Gada 10, 7180 Disentis/Mustér; pinar plontas en curtin, parcella 606, Via Sontga Gada 10, 7180 Disentis/Mustér.

#### Nr. 2022-2045.000

Adrian Schnoz, Via Buretsch 5A, 7186 Segnas; modificaziun dil terren – engrondir parcadi existent, parcella 393, Via Buretsch 5A, 7186 Segnas.

#### Nr. 2022-2048.000

Manuela Ullram-Schmed, Ettenbergstrasse 9, 8907 Wettswil; modificaziun dil terren – engrondaziun dil plaz da seser, parcella 2164, Via Clavau 9, 7182 Cavardiras.

Disentis/Mustér, ils 10-6-2022

Uffeci da baghegiar Disentis/Mustér

---



## Carta per indigens 2022

Legreivlamein san las duas vischnauncas da Mustér e Tujetsch presentar cun la carta gratuita per indigens era uonn ina fetg attractiva purschida.

### Tgi sa retrer la carta per indigens?

Tuttas persunas naven da sis onns ensi cul domicil permanent da habitar e che pagan taglia ellas vischnauncas da Mustér e Tujetsch han il dretg da retrer gratuitamein ina carta per indigens.

### Prestaziun

La carta per indigens legitimescha duront tschun differents dis naven dil zercladur entochen igl october 2022 (duront ils temps da menaschi) da far diever gratuitamein dallas pendicularas Caischavedra / Cuolm da Vi / Schneehüenerstock / Gütsch (max. duas pendicularas per di).

### Impurtont:

La carta per indigens ei da returnar sil pli tard **entochen la fin da november 2022** al spurtegl dallas administraziuns communalas dallas vischnauncas da Tujetsch e Mustér.

La carta ei persunala e buca transmissibla.

Suprastonza communal

---

## Serrada dil Pass Alpsu

Naven **dils 17 entochen ils 19 da zercladur 2022** (Sontgilcrest) ha liug ad Ursera la 64. Fiasta da sgugialaders dalla Svizra Centrala. Quella fin d'jamna vegn spitgau ad Ursera rodund 40 000 persunas. Per quei motiv han las instanzas cantunalas lubiu da serrar la via dil Pass Alpsu per tut traffic (dalla vart uranesa sil tschancun dad Ursera/Wilerkehr entochen sil Pass Alpsu) naven da **venderdis, ils 17 da zercladur 2022, allas 12.00 entochen dumengia, ils 19 da zercladur 2022, allas 24.00.**

A persunas ch'inoltreschan ina damonda motivada all'adressa dad e-mail [info@jodlerfest-anderematt.ch](mailto:info@jodlerfest-anderematt.ch) sa il viadi sul Pass Alpsu vegnir lubius.

Bien engraziament per l'enconuschientscha.

Suprastonza communal

---

## Administraziun communal

Muort il firau da Sontgilcrest resta l'administraziun communal serrada naven da **mesjamna, ils 15 da zercladur 2022, allas 17.30 entochen venderdis, ils 17 da zercladur 2022, allas 7.30.**

Bien engraziament per Vossa capientscha.

Administraziun communal

---

## Onn da scola 2022/23 – uraris e transports

### Preziai geniturs, cars affons

Ils uraris da scola ed igl urari dils transports pil proxim onn da scola 2022/23 anfleis Vus sin [www.scoladisentis.ch](http://www.scoladisentis.ch). Ils geniturs dils affons da Segnas, Buretsch, Cuoz e Mompé Tujetsch dalla emprema scoletta 2022/23 ston **uonn buca** s'annunziar alla staziun da Mustér pigl abbonament dalla MGB.

Nus engraziein a Vus cordialmein per la fetg buna collaboraziun e Vies grondius sustegn duront igl onn da scola che va alla fin. Da cor bialas e suleglivas vacanzas da stad!

Cordials salids e sin bien seveser  
Nossa scola populara Mustér



---

### Corporaziun d'alp Russein Mustér

Radunonza generala dils possessurs da dretgs dalla corporaziun d'alp Russein Mustér, **venderdis, ils 17 da zercladur 2022**, allas 20.15 el hotel «Alpsu» a Mustér.

#### Tractandas:

1. Beinvegni
2. Elecziun d'in dumbravuschs
3. Prelecziun ed approvaziun dil protocol dalla radunonza generala dils 3 da zercladur 2019
4. Render quen dil cassier
  - a) onn 2019
  - b) onn 2020
  - c) onn 2021
- d) rapport dils revisurs ed approvaziun dils quens
5. Rapport dil president
6. Regulativ d'indemnisaziun funcziunaris e lavur cumina
7. Contract da purificaziun inventari suenter la separaziun proprietaris e chischada\*
8. Elecziuns:
  - a) president
  - b) vicepresidente/actuar
  - c) cassier
  - d) dus revisurs da quen ed in substitut
9. Fixar ils tscheins dils dretgs per 2022
10. Contract d'affittaziun per l'alp Russein/schurmetg dallas auas/Informaziun
11. Deliberaziun da damondas e propostas
12. Varia

\*Sin giavisch d'in proprietari da dretgs sa vegnir priu investa dil contract da purificaziun inventari tier il president Armin Berther (079 609 48 25 /armin.berther@gmail.com)

---

### Vischnaucas ed uniuns culturalas

#### Preavis: Medel-Mustér-Tujetsch s'entaupan ella Academia Vivian a Stagias

Cultura, cant e musica da mintga vischnaunca accumpignau cun specialitads culinaricas. **Sontgilcrest, ils 16 da zercladur 2022**, allas 16.00. Il transport vegn organisau entras las vischnaucas. Nus supplichein Vus da s'annunziar entochen venderdis, ils 10 da zercladur 2022, tier l'administraziun communal, Carmen Wetzel sin 081 920 36 36 ni cwetzel@disentis.ch. Il program detagliu vegn repartiu en fuorma d'in fegl sgulont. La sentupada ha liug mo da bialaura.

Nus selegrein gia oz sin ina sentupada dalla Sursassiala.

Sin stedia participaziun:  
las vischnaucas ed uniuns culturalas

---



### Club da pistola Cadi

#### Tir campester cun pistola sin 25 m

**Venderdis, ils 10-6-2022**, naven dallas 18.00–20.30 e **sonda, ils 11-6-2022**, naven dallas 13.30–17.00 ha liug el stan da sittar a Sars Sut a Mustér il tir campester cun pistola.

Il tir ei per tuts gratuits ed armas ein a disposiziun.

Cordialmein envida Club da pistola Cadi!

---

### Apparat d'udida

**Gliendisdis, ils 20 da zercladur 2022**, saveis Vus schar schubergiar e rugalar Vies aparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG surprendan comunablamein quei survetsch gratuit per tuts interessents.

Ei drova negina annunzia.

---